

Tetaata 'toa, e ere te Tavana e te haava, o tei hinaaro i te hoe hohoa o tei enei vaa, afaau mara e 3 farane no na avae e toru.

Faaau mai ia Tepito te nei parau i Papeete.

TE VEA NO TAHITI,

Ei haaparare raa i te parau rii api e faufaa hia i to te mau fenua i roto i te Hau Tamaru; e neia i te mau mahana maha-toa:

O te feia hoo taao, e te mau taata e haapao i te tau raa taao, e tia ia nenei atoa hia ia ratou mau parau faaite i roto i tei enei vaa, ia afaau mai ratou 1 farane no te reni hoe.

Faaau mai ia Tepito te nei parau.

RE NO TE FAAITOITORAA

I TE TANU RAA I TE RAITI.

E horoa hia te hoe Re e pae hanere farane (500) na te matainga, te Taitete, e aore ra, te taata, nana te Aua Raiti i hau roa i te mailai e te nehenehe.

Ei aua rahi ra, e hia te horoa raa i tei enei Re, ia ono umi i te roa, e ia ono hoi umi i te auno, e ia rahi atu ra, rahi noa 'tu ia.

Ia pau te maa i te ohi hia mai ra, e afaau hia i tei enei Re.

PAEAU PARAU NO TE HAU.

FAATOROA RAA.

No te faatia raa a Tona hanahana te Arii vahine o te mau fenua Totaiete, e te Tavana, te Auvaha o te Repupirita.

Ua faatoroa hia Fanau pohe ei haava no te matainga ra o Tematahoa (Ana) ei mono ia Farani o tei faaore hia te toroa no te cia.

Papeete, 15 no novema 1851.

Te Arii vahine o te mau fenua Totaiete, Te Tavana, te Auvaha o te Repupirita.

Papaia: POMARE. Papaia: BONARD.

Papaia te hohoa i te fare toroa o te eé, Te eé o te Tavana, Papaia: LOUGER.

FAATOROA RAA.

OMaiotui, ua faatoroa hia ei mutoi no te matainga na ra o Afaa'iti, ei mono ia Oia, o tei faaore hia te toroa. E afaau atu te Auvaha o te Repupirita ia Maiotui ra, ei utua no tona toroa, i na farane 120 i te matahiti hoe.

O Vahineino, ua faatoroa hia ei mutoi no Afaa'iti ei mono ia Patuofai, o tei faaore hia te toroa. E afaau atu te Auvaha o te Repupirita ia Vahineino ra, ei utua no tona toroa, i na farane 120 i te matahiti hoe.

Papeete, 12 no Novema 1851.

Te Arii vahine o te mau fenua Totaiete, Te Tavana, te Auvaha o te Repupirita.

Papaia: POMARE. Papaia: BONARD.

Papaia te hohoa i te fare toroa o te eé, Te eé o te Tavana, Papaia: LOUGER.

NO TE ANANI.

Te rahi roa nei a te hinaaro Anani i Tarifonia, ua iro roa hoi taua maa nei ei faufaa rahi roa na to te fenua nei, e e mahere i te rahi roa mai te pahi hoo anani i te matahiti i mua nei, no te

mea-hoi, te haere maite ra te taata i tei reira fenua moni i te rahi roa raa.

No te hinaaro rahi ra hoi o te Tavana, e ia faufaa paatoa hia te mau matainga i te hoo raa i te anani, ua faatia oia e. E haere noa te mau pahi hoo anani i te mau vahi tutau roa 'toa i au ia ratou, e ei reira hoo ai i ta ratou anani i hinaaro.

E mata na ra oia i te imi e te faatiafaaro i te hoe ravea, ia ore hoi to Tahiti nei ia haavare noa hia, e e ore atoa i hoi te Ture o te fenua nei e ofati haere noa hia. Tana ra e rave nei i tei enei, e ia oti ra, ei reira ia e faaite hia tu ai i roto i te VEA.

Ite maitai atura hoi to Tahiti nei e, te imi maite nei a te Tavana, ma te tutuu re, i te mau ravea toa e faufaa hia ratou. Inaha hoi, e tuu haere noa hia te mau pahi hoo anani, ia tutau haere noa i roto i te mau ava toa e ati noa e Tahiti nei. Te hinaaro nei hoi oia, e ia rahi roa te hoo raa i te anani; e imi atoa ra hoi oia i te ravea, e ore ai to Tahiti nei e haavare hia.

I tei enei ra hoi, te faaite hia tu nei te rahi raa o te anani i hoo hia, e te rahi raa hoi o te moni i roa mai i to Tahiti nei, no taua mau anani ra, mai te mahana 1 mai o tiurai, e tae noa mai i te mahana 20 no novema. Ua iriti hia mai no roto i te BUKA o te raatira ava i Papeete.

IOA O TE PAHI.

	Rahi raa o te anani i uta hia.	Rahi raa o te moni i roa mai.
Tira piti marite o Fides.	80,000 anani.	2,800 farane.
Tira piti farani o Emma.	80,000 —	3,400 —
Tira piti marite o Agate.	250,000 —	8,750 —
Tira toru marite o Alexander.	55,000 —	1,375 —
Tira piti marite o Alfred.	100,000 —	5,000 —
Tira piti marite o Loochoo.	62,000 —	3,100 —
Ia amui hia.	627,000 anani.	24,425 farane.

To na avae ra o Januari, Fe-
puari, e Mati. . . 1,369,700 — 54,400 —

To na avae ra o Eperera.
Me, e Tiuu. . . 1,102,800 — 41,875 —

Ia amui hia te rahi atoa e tae
roa mai i tei enei mahana. . . 3,099,500 — 120,700 —

Inaha, e homa ia moni rahi roa i roa mai i to Tahiti nei i na avae e iva i mairi aenei, Hoo hanere e piti ahuru tauatini e hitu hanere farane. Aita to na avae e toru i mairi aenei i faaito i to tahiti ra tau avae, no te mea ra ia e, ua huru pau roa te anani. I teie ra matahiti i mua nei, e mahere ia i te rahi roa mai te pahi hoo anani, e e rahi roa hoi ia te moni, to roa mai i to Tahiti nei.

Tere o te Tavana i te jagati haere raa i te fenua.

E mahere paha i te tapati i mua nei, e haamata i te Tavana i tona tere faaiti haere na roto i te mau matacinana. E mata na oia i te hioa i te matacinana ra o Papaa, e i nua ae o Haapape ia, e na reira haere atu ai e ati roae te fenua nei.

Eiaha roa i tu ra hoi ia moe noa e i te mau matacinana, tei faaiti hia i tu i roto i tetahi Vea.

E hioa maite oia i te mau aua hau, te purumu te ea raau, te aua maa a te hui raatira, e te mau haapii raa hoi. E tuha toa hoi oia i te tuhoo moni a te hau tei haapao hia ei faaitoito raa i te ohipa faapu i roto i te mau matacinana. Inaha, ua fatata roa na mahana e tae atu ai oia, E vahi ia roa, i te mau matacinana toa ia faaitoito maite i na mahana rii e toe nei, i te faanehehe maite raa i te mau vahi rii hupehupe atoa e vai nei.

Oia toa hoi te mau haapii raa, ua faaiti hia i tu hoi outou e, e ui maite hia te mau haapii raa toa e te Tavana, i to ratou ite i te paai parau, te tau parau, te numera, te reo farani e te geografia. Ua itea maitai hia ra hoi e, Aita e parau geografia mau i nenei hia i tei nei mau fenua, te vai noa nei ra hoi i roto i to outou na mau rima, te mau parau rii no te geografia, i nenei haere hia i roto i te mau Vea no na avae ra o Me e Tumu i mairi aenei. E vahi ia roa hoi i te mau orometua haapii raa, ia haapii maite atu i ta ratou mau i tei nei.

Eiaha hoi ia moe noa e ia outou e. E re huru rahi roa te boroa hoi na te mau tamaru i hau to ratou ite i te geografia ia tae i te ui raa rahi i te avae ra o mairi aenei.

A faaiti ei hoi te Tavana i te fenua nei, i na avae i mairi aenei, roohia tura e ana. O to Tiarei te tamaru i hau i te ite i te geografia. E mau ruru rahi roa to te Tavana i te hio raa i te rahi raa o to ratou ite i roa mai no roto i te mau parau rii i nenei roto i te Vea. I tei nei ra hoi e na reira te mau matacinana toa e hia, ia paai ru paatoa hoi, a roohia tu ai e te Tavana.

Oia toa hoi te mau purumu i huru ino, e faanehehe rii iho ia; te maa vahi vati ra hoi i ropu i Papeari e Papeuriri te au ia faanehehe oia hia, a tae atu ai hoi te Tavana.

RAVEA NO TE TANU RAA I TE MANIOKO.

Ia huru eteata rii te tumu manioko ra, e oia mai ai te amaa rii ei tanu raa. Ia tai piti hoi, e aore ra ia tai toru oleu rii i na i tana vahi i oia mai ra. Eita e faahohono roa hia te Apoo ia tanu ra, mai te aano raa ra o na manimani rima e piti uci, ei na hoi i te fenua huru maro tanu ai.

Mai te mea, aore a i eteata maitai tana raau manioko ra, e te ru hia ra hoi e tanu, e haamaoro ae ia te amaa i oia mai, e ia faafo maite hoi te vahi e tapoi hia i te vari i tei toe mai i rapae ia tanu ra, mai te Toatoa nei hoi te huru.

Eiaha toa hoi e haafatata haere noa te tanu raa, ei area huru rahi ra te vahi iho, ia piti ae tiapana; e ia tupu ra, e pue maite a ia i te vari na te tumu mai te pua umara nei te huru, ia na reira hia ra hoi e rahi roa i te io ia tupu mai.

E tupu haere noa te manio o i na i te mau fenua maro atoa, eita e iho i te mahana; e ia ia tanu haere noa i na i te moua, i te mau vahi tanu ore hia i te maa.

Ia pue maitai hia te vari na te tumu ra, e rahi roa ia te maa e roa mai.

Ei te Vea no te tapati i mua nei e faaiti hia i tu ai te ravea no te ohia raa mai i te Manioko ia parari ra, e te ravea toe hoi no te faanehehe raa, e maitai ai ia amu.

Comite no te faaitoito raa i te ohipa faapu.

No te faaiti raa a te Tavana i te mahana 24 no novema, ua faaturu hia te comite no te faaitoito raa i te ohipa faapu, teie te vuru o taua comite ra i tei nei.

MM. FERGES, haava papaa, peretiteni.

TEXM, moaitu.

PAPA, haava.

CEBERT, hoo taao.

BARFF, auvaha faaiti parau.

SANZEY, raatira ava.

PURUMU I TIAREI.

I te mahana 19 i mairi aenei, te 25 o tei nei avae, i tono ai te Tavana ia Miti Milbert e te feia rave ohipa toa hoi, e haere i Tiarei, e haaparari i te mau mato i nia i te purumu api e rave hia ra, e tei ore hoi i mairi i to Tiarei iho. Na fatou taua ohipa ra e faanehehe maitai iho. E mea tia roa toa hoi, ahiri to Papenoo i pae atoa i to

Tiarei i te ravea i tei nei ohipa maitai, e te faanehehe oia raa i te purumu i roto i te ratou matacinana, ei reira hoi ia e tiai i te Tavana ia tono atu i te feia rave ohipa farani, e faaturu ia ratou i te rave raa i te mau vahi mato, te ore e mooi ia ratou iho.

PURUMU I TIAIA.

Teie mai nei te hoo rata i papai hia mai e te peretiteni ra e Tairapa, i te Tavana nei. Itea atura na roto i tana rata ra e, te faaitoito maite ra to Tiaia i te rave raa, i te purumu i roto i to ratou matacinana. E riro hoi tei reira ei ohipa maitai rahi roa, ia riro ra hoi taua ohipa maitai e rave hia ra i reira, e tei rave atoa hia hoi i Hauni e Maatea, ei hio, raa na to Moorea toa e tiai, E ia pae atoa to reira mau Tavana i te haapao raa itoito o Tairapa e o Tahihiro. E rahi roa hoi te poupon o te Tavana, ia roohia tu e ana e, ua oti roa taua ohipa, ia haere tu oia e faaiti haere i te fenua.

FAATOROA RAA IA HURUE.

Ua maiti e hia na te haava ra o Hurue, e to Puen ei orometua na ratou; e na rave e na hoi i taua ohipa orometua nana ra. Aita ra hoi oia i faatoroa hua hia. I te tapati rahi i mairi aenei te 16 no novema ua haere hua te orometua ra o Otononi e Puen, e u i faatoroa oia i Hurue i nua i te aro o te taata i toa o te matacinana, o tei haere mai i reira ia te ratou i tana oia ra. E maiti raa ia roa to Puen, ua itea e hia na hoi to Hurue huru, ua ite paatoa hoi te taata i te tia raa o tana haapao raa, e no tana haapao raa hia e te au maitai, i itea hua hia i e, e mea au roa iana te mau i tei nei toroa.

PARAU FAAITE I TE HUI RAATIRA, IA ROAA TE MONI

VAHIE ! VAHIE !

Te rahi roa nei te hoo raa hia o te vahie i tei nei anotaui. O te mau pali atoa hoi e reya nei i Tarifonia, e i Valaparaíso te hoo atoa nei ia i te vahie, e faaiti i tei reira mau fenua. E rohi ra e homa, e te feia hinaaro moni.

NO TE MAU AUA HAU.

Ua hapa te hoo vahi i roto i te Vea no te tapati i mairi aenei, te parau i faaiti hia i tu e: o te haava ra o Tani tei faa hia mai i roto i te comite no te faaitoito raa i te ohipa faapu, ei mono ia Paete, o tei pohe i te mai. E ere ra Tani, ua hapa tei reira, o te haava ra o Papa, tei faa hia mai i roto i taua comite nei, raa o Miti Cebert, taata hoo taao i Papeete nei.

Ua hapa toa hoi te parau i roto i te Vea no te mihani 30 no atopaete vahi i parau hia tu e, 17 paeo ufi no Papara mairi i hoi hoi; e 1 ere ra ia, teie te mea mau, e 4 paeo no Papara, i hoo 4.50, e na paeo 13 i toa ra, ua taha haere hia ia na nia i vetahi iho mau matacinana. Teie ra hoi te mea i na reira hia, i te avae ra o tumu i afai mai ai to Papara i te ratou ufi, inaha, a pae aenei avae. Ua tau hia hoi taua mau ufi ra i roto i te fare toa tabito, e fare iti apiripi roa, e ia tae mai hoi te ufi e te umara no vetahi mau matacinana ra, ua tau haere noa hia ia i nia iho i ta to Papara. No reira hoi i rahi ai te pe i roto i te ufi no Papara mai, e 20 hoi paeo i pe no reira mai e ia amui hia tei reira i nia i na paeo e 82 i hoo hia ra, ia roa aera ia na paeo 102 i uta hia mai e to Papara.

I te hoi maitai raa hia hoi te parau no te mau ufi atoa i tae mai nei mai te matacinana mai, itea hia tura e, a 56 paeo ufi e te vae hia i pe, mai te matacinana mai, e 26 paeo umara pau tutua. I tei nei ra hoi, e 5 noa iho paeo ufi e toe nei. E hoo hia i tu te umara i pe ra, i te feia faaiti puaa ra, mai te mea hoi e, te au ra ei maa na te puaa.

O te taata toa i hinaaro i te Umara, ei maa na te puaa, e roa ia ia ratou i te fare toa a te Hau, tai piti pene i te puaa hoo. E haere tia tu i te raatira ava ra faaturu ai.

Na MAITA.

Te mau pahi i reva.

Tira toru farani o Labeille, tapena Aligais, ua reya i Valaparaíso. Tira piti farani o otus, tapena Harvie, ua reya i Faumotu. Tira piti marite o Julius Pringle, tapena Clark, ua reya i Huahine.

L. L.